

ქ. თბილისი

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, შპს „დიჯი პრინტი“ (შემდგომში „მიმწოდებელი“) წარმოდგენილი მისი დირექტორის გიორგი მეგრელიშვილის სახით, შპს „ფსიქიკური ჯანმრთელობის და ნარკომანიის პრევენციის ცენტრის“ მიერ 2018 წლის 18 დეკემბერს ბეჭდვა და მასთან დაკავშირებული მომსახურებების (CPV79800000) შესყიდვის მიზნით გამოცხადებული ელექტრონული ტენდერის №SPA180009712 შედეგების მიხედვით, ვდებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ 2018 წლის შემოსავლების ფარგლებში ბეჭდვა და მასთან დაკავშირებული მომსახურებების შესყიდვა.

1.2 შესყიდვის ობიექტის ჩამონათვალი და რაოდენობები განისაზღვრება დანართი №1-ში მოცემულის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

### 2. ხელშეკრულების საერთო ღირებულება

2.1. ხელშეკრულების საერთო ღირებულება შეადგენს 20980.00 (ოცი ათას ცხრაას ოთხმოცი) ლარი.

2.2. ხელშეკრულების ღირებულებაში შედის შესყიდვის ობიექტის მიწოდებასთან დაკავშირებული მიმწოდებლის ყველა ხარჯი მ.შ. ტრანსპორტირების და კანონმდებლობით გათვალისწინებული გადასახადები.

2.3. ერთეულის ღირებულებები განისაზღვრება დანართი №1-ის შესაბამისად.

### 3. ხელშეკრულების შესყიდვის ობიექტი

3.1. ხელშეკრულების (შესყიდვის) ობიექტია: ბეჭდვა და მასთან დაკავშირებული მომსახურებები -CPV79800000, ბეჭდვა და ადგილზე მიწოდება - CPV79823000, (შემდგომში საქონელი) დანართი №1-ის შესაბამისად.

3.2. დანართი №1 წარმოადგენს ხელშეკრულების განუყოფელ ნაწილს, სადაც მოცემულია შესყიდვის ობიექტის დეტალური აღწერილობა, ზომის ერთეული, რაოდენობა, ერთეულის ფასი და საერთო ღირებულება.

### 4. შესყიდვის ობიექტის ხარისხი

4.1. მიწოდებული ქურნალების ხარისხი უნდა შეესაბამებოდეს შემსყიდველის მიერ მოთხოვნილს. უხარისხო (დაზიანებული) ან შეცდომით ნაბეჭდი ქურნალების მიწოდების (მათ შორის არასწორი ნუმერაციის) შემთხვევაში, მიმწოდებელი ვალდებულია საკუთარი ხარჯებით უზრუნველყოს უხარისხო ქურნალების შეცვლა ახლით. ამასთან, მიწოდებულ საქონელში წუნის რამოდენიმეჯერ დაფიქსირების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება.

4.2. შესყიდვის ობიექტის უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

### 5. შესყიდვის ობიექტის მიწოდების პირობები, ადგილი და ვადები.

5.1. „საქონლის“ მიწოდება განხორციელდება „შემსყიდველის“ მოთხოვნის შესაბამისად, მოთხოვნიდან არაუგვიანეს 5 დღის განმავლობაში. ქურნალების ბეჭდვა და მიწოდება განხორციელდება ეტაპობრივად, ხელშეკრულების გაფორმებიდან 2019 წლის 31 დეკემბრის ჩათვლით, ყოველ ჯერზე მისაწოდებელი (დასაბეჭდი) ქურნალების სახეობა და რაოდენობა განისაზღვრება შემსყიდველის მოთხოვნის შესაბამისად. შემსყიდველის მხრიდან მიწოდებული ნიმუშის და რაოდენობის განხორციელება მოხდება შემსყიდველის მოთხოვნის შესაბამისად. (ფურცლების) სახე და ჩასაწერი (PDF) ფაილის მიხედვით, ა) ქურნალის ყდაზე გასაკეთებელი წარწერის და შიგთავსის (ფურცლების) სახე და ჩასაწერი ინფორმაციის დაკონკრეტება მოხდება შემსყიდველის მოთხოვნის შესაბამისად. ბ) თითოეულ პოზიციაში შემავალი ქურნალები იქნება განსხვავებული წარწერით ყდაზე და განსხვავებული შიგთავსით. ქურნალების კონკრეტული სახეობები და რაოდენობა პოზიციების მიხედვით განისაზღვრება შემსყიდველის მოთხოვნის შესაბამისად. გ) ბეჭდვა შესაძლებელია განხორციელდეს სახეობების მიხედვით 1-იდან 100-მდე ტირაჟით შემსყიდველის მოთხოვნის შესაბამისად. მოთხოვნიდან არაუგვიანეს 5 დღის განმავლობაში. დ) დანართი №1-ის 1-ელ პოზიციაზე ქურნალი A4 (რვეულისებრი აკინძვა, სკობით) (ბეჭდვის ზუსტი ფორმა წინასწარ უნდა შეთანხმდეს შემსყიდველთან.

5.2. ცალკეულ შემთხვევებში, შემსყიდველისთვის გაუთვალისწინებელი გარემოებების დადგომიდან გამომდინარე, შესაძლებელია მოხდეს დასაბეჭდი ქურნალების რომელიმე სახეობის საერთო რაოდენობის გაზრდა სხვა ქურნალის რაოდენობის შემცირების ხარჯზე.

5.3. შესყიდვის ობიექტის მიწოდების ადგილი – ქ. თბილისი, ქავთარაძის ჩიხი №2, შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“.

5.4. შემსყიდველის მიერ მისაწოდებელი საქონლის არასრულად ათვისების შემთხვევაში მიმწოდებელი კარგავს აუთვისებელი საქონლის ანაზღაურების მოთხოვნის უფლებას.

5.5. შემსყიდველი უფლებამოსილია, ერთეულის ფასის ცვლილების გარეშე, მოითხოვოს რომელიმე პოზიციით გათვალისწინებული საქონლის განსაზღვრულ რაოდენობაზე მეტის მოწოდება სხვა პოზიციის რაოდენობის შემცირების ხარჯზე.

### 6. შესყიდვის ობიექტის მიღება-ჩაბარების წესი

6.1. შემსყიდველის მიერ საქონლის მიღება წარმოებს ეტაპობრივად.

6.2. შესყიდვის ობიექტის მიწოდებისას „მიმწოდებელმა“, უნდა წარმოადგინოს შესაბამისი დოკუმენტი საქონლის კოდის, დასახელების, რაოდენობის, ერთეულის ფასის და საერთო ღირებულების მითითებით.

6.3. მიმწოდებელმა უნდა უზრუნველყოს შემსყიდველისათვის 6.2. პუნქტში მითითებული დოკუმენტაციის



წარდგენა „საქონლის“ დანიშნულ ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება მიმწოდებელს.

6.4 საქონლის მიწოდებისას ფორმდება მიღება-ჩაბარების აქტი, რომელზეც „შემსყიდველის“ მხრიდან ხელს აწერს ცენტრის მატერიალურ-ტექნიკური უზრუნველყოფის სამსახურის სამეურნეო განყოფილების მთავარი სპეციალისტი ბესიკ წიტიშვილი.

6.5. „საქონლის“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.

#### **7. ანგარიშსწორების წესი, ფორმა და ვადები**

7.1. ანგარიშსწორება განხორციელდება ფაქტიურად მიწოდებული საქონლის რაოდენობის შესაბამის თანხაზე, მხარეთა შორის მიღება-ჩაბარების აქტის გაფორმებიდან და მიმწოდებლის მიერ წარმოდგენილი დოკუმენტიდან (სასაქონლო ზედნადები) არაუგვიანეს 10 (ათი) სამუშაო დღის ვადაში.

7.2. ანგარიშსწორების ფორმა – უნაღდო ანგარიშსწორება.

7.3. ანგარიშსწორება განხორციელდება ლარებში.

7.4. წინასწარი ანგარიშსწორება არ დაიშვება.

#### **8. პირგასამტეხლო**

8.1. ხელშეკრულებით ნაკისრი ვალდებულების ხელშეკრულებით განსაზღვრული ვადების გადაცდენის შემთხვევაში მომწოდებელს ეკისრებათ პირგასამტეხლოს გადახდა, ყოველ ვადა გადაცილებულ დღეზე ხელშეკრულების ღირებულების 0,2%-ის ოდენობით.

8.2 იმ შემთხვევაში თუ მიმწოდებლის მიერ აღებული ვალდებულებების არაჯეროვანი შესრულების გამო, შემსყიდველის მიერ მოხდა ხელშეკრულების ცალმხრივად შეწყვეტა, მიმწოდებელი ჯარიმდება ხელშეკრულების ღირებულების 10%-ით.

8.3 იმ შემთხვევაში, თუ პირგასამტეხლოს ჯამური თანხა გადაჭარბებს ხელშეკრულების ღირებულების 2%-ს შემსყიდველს უფლება აქვს (და არა ვალდებულება) ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

8.4 მომწოდებელი ვალდებულია იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში. ან წერილობით დადასტურონ მის გამოკლებაზე ანგარიშსწორების პერიოდისათვის, ასეთის არსებობის შემთხვევაში.

8.5 იმ შემთხვევაში თუ ხელშეკრულების გაფორმების შემდეგ მოწოდებელი უარს განაცხადებს მის შესრულებაზე შემსყიდველს ერთჯერადად გადაუხდის ჯარიმის სახით ხელშეკრულების ღირებულების 20%-ს.

8.6. ჯარიმის გადახდა არ ათავისუფლებს მიმწოდებელს ვალდებულებების შესრულებისგან.

8.7. მიმწოდებელი ვალდებულია გადაიხადოს დაკისრებული ჯარიმა შემსყიდველის წერილობითი შეტყობინებიდან 10 (ათი) დღის ვადაში.

#### **9. მხარეთა უფლება-მოვალეობები**

9.1. „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მიმწოდებელი“ ვალდებულია:

9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

9.2.2. დროულად შეასრულოს ხელშეკრულებით ნაკისრი ყველა ვალდებულება.

9.3. „შემსყიდველი“ უფლებამოსილია:

9.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4. არ მიიღოს უხარისხო საქონელი და/ან არ აანაზღაუროს მისი ღირებულება;

9.3.5. უხარისხო საქონლის რამოდენიმეჯერ მიწოდების შემთხვევაში ცალმხრივად შეწყვიტოს ხელშეკრულება.

9.4. „მიმწოდებელი“ უფლებამოსილია:

9.4.1. მოითხოვოს „შემსყიდველისგან“ მის მიერ მიწოდებული „საქონლის“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დადგენის გამო.

#### **10. მხარეთა პასუხისმგებლობა ხელშეკრულების პირობების დაარღვევისათვის**

10.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

10.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

10.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.

10.4. ხელშეკრულების მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია, გარდა იმ შემთხვევისა თუ ხელშეკრულების შეწყვეტა გამოწვეულია 9.3.5 პირობის დადგომის გამო.



10.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ;

10.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;

10.5.2. თუ მიმწოდებელს არ შეუძლია შესრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „საქონლის“ მიწოდება სრულად ან დადგენილ ვადებში.

10.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.

10.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ;

10.7.1. თუ ხელშეკრულების შესრულების გაგრძელება მიზანშეწონილია „შემსყიდველის“ ფინანსური ინტერესებიდან გამომდინარე;

10.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.7.3. „მიმწოდებლის“ გაკოტრების შემთხვევაში.

10.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

#### 11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საზრდოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება აღწერილობით გარემოებებისა და მათი გამოწვევი მიზეზების შესახებ. თუ შეტყობინების წერილობითი შეტყობინება აღწერილობით გარემოებებისა და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ დაუძლეველი გარემოებების ზეგავლენისგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

#### 12. სადაო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოავარდნენ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

#### 13. გამოსაყენებელი სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

#### 14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

#### 15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

#### 16. ხელშეკრულების სხვა პირობები

16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

16.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.

16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.

16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

#### 17. ხელშეკრულების მოქმედების ვადა

17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

17.2. ხელშეკრულების მოქმედების ვადა განისაზღვრება: 2019 წლის 08 იანვრიდან 2020 წლის 31 იანვრის ჩათვლით.

17.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.



17.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

#### 18. განსაკუთრებული შენიშვნები

18.1. ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“.

#### 19. მხარეთა რეკვიზიტები

დაწესებულების  
დასახელება

„შემსყიდველი“

შპს „ფსიქიკური ჯანმრთელობის  
და ნარკომანიის პრევენციის  
ცენტრი“

ს/კოდი:

რეკვიზიტები:

404945164

მომსახურე ბანკი:

ს/ს „თი ბი სი ბანკი“

ბანკის კოდი:

TBCBGE22

ანგ/ანგარიში:

GE75TB7810436020100002

მის/იურიდიული

ქ. თბილისი, ქავთარაძის ჩიხი №2

მის/ფაქტიური

ქ. თბილისი, ქავთარაძის ჩიხი №2

საკონფორმაცია

დაწესებულების  
დასახელება

„მომწოდებელი“

შპს „დიჯი პრინტი“

ს/კოდი:

რეკვიზიტები:

402064662

მომსახურე ბანკი:

ს/ს „საქართველოს ბანკი“

ბანკის კოდი:

BAGAGE22

ანგ/ანგარიში:

GE41BG0000000819623300

მის/იურიდიული

ქ. თბილისი, სამტრედიის ქ. 3ა ბ  
87;

მის/ფაქტიური

ქ. თბილისი, სამტრედიის ქ. 3ა ბ  
87;

საკონფორმაცია

599 25 42 86

[dgprint\\_2017@yahoo.com](mailto:dgprint_2017@yahoo.com)

გენერალური დირექტორი:

ლ. კილაძე

დირექტორი:

გ. მეგრელიშვილი



დანართი №1

№	დასაბეჭდი ფურნალის სახეობა საქონლის დასახელება	ტექნიკური მახასიათებლები				განზომილები ს კრთეული	შესაყიდი რაოდენობა	ერთეულის ფასი	საერთო ფასი
		ყდა	აკინძვა	შოგთავსი	ფურცლების რაოდენობა				
1	ფურნალი A4	არანაკლებ 200 გრამიანი პრიალა ცარცი, ცალმხრივად ნაბეჭდი (1+0)	აკინძვა რეგულაციური სკოპით (1+1)	შავ-თეთრი, ორმხრივად ნაბეჭდი (1+1), თეთრი ფესეტი არანაკლებ 80გრ. სითეთრე არანაკლებ 80%, ფურცლების ნუმერაციით	50	ცალი	1500	3,17	4755
2	ფურნალი A4	არანაკლებ 200 გრამიანი პრიალა ცარცი, ცალმხრივად ნაბეჭდი (1+0)	აკინძვა, თერმული, სკოპით(1+1)	შავ-თეთრი, ორმხრივად ნაბეჭდი (1+1), თეთრი ფესეტი არანაკლებ 80გრ. სითეთრე არანაკლებ 80%, ფურცლების ნუმერაციით	100	ცალი	5000	1,82	9100

3	ქურნალი A4	არანაკლებ 200 გრამიანი პრილა ცარცი, ცალმხრივად ნაბეჭდი (1+0)	აკინძა, თერმული, სკობით(1+0)	შავ-თეთრი, ცალმხრივად ნაბეჭდი (1+0), თეთრი ოფსეტი არანაკლებ 80გრ. სითეთრე არანაკლებ 80%, ფურცლების ნუმერაციით	100	ცალი	1500	4,75	7125
სულ: 20980									

"შემსყიდველი"  
გენერალური დირექტორი:

"მიმწოდებელი"  
დირექტორი:



გორგოზი მეგრულიშვილი

## ხელწერილი ინტერესთა კონფლიქტის არ არსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელმოწერით ვადასტურებ, რომ შპს „ფსიქიკური ჯანმრთელობისა და ნარკომანიის პრევენციის ცენტრის“ შემოსავლების ფარგლებში ელექტრონული ტენდერი (SPA180009712) 2019 წლის 08 იანვარს გაფორმებული შპს „დიჯი პრინტ“ თან №04 ხელშეკრულების ფარგლებში გასანათებელი მოწყობილობები და ელექტრონათურების (CPV79800000) შესყიდვის მიზნით ჩემი მონაწილეობა არ იწვევს ინტერესთა კონფლიქტს.

ცენტრის მატერიალურ-ტექნიკური უზრუნველყოფის სამსახურის  
სამეურნეო განყოფილების მთავარი სპეციალისტი:

ბ. წიტიშვილი

08/01/2019 წელი